



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Libellus Sodalitatis: Hoc Est: Christianarum Institutionum Libri quinque**

**Coster, Franciscus**

**Antverpiæ, 1587**

14 Media ad obtinendu[m] veru[m] cordis gaudium.

[urn:nbn:de:hbz:466:1-46553](https://nbn-resolving.org/urn:nbn:de:hbz:466:1-46553)

**P**rimò, Conscientiam habere à peccatis non solùm mortalibus, sed etiam grauioribus venialibus liberam. *Quia secunda mens, Prou. 15. est iuge conuiuuiũ. Et gloria nostra hæc est, ait Apostolus, testimonium conscientie nostræ. Cauenda est autem omnis duplicitas & simulatio, quæ solet esse inimica pacis internæ. Nam qui ambulat simpliciter, ambulat confidenter. Prou. 10.*

Secundò, Frequenter suscipere Eucharistiæ Sacramentum, quod est Sacramentum pacis & gaudij; in quo datur Christus, pax nostra. Ideo in vltima cœna, post datũ sanctissimum corpus suum, sic ait Dominus: *Pacem meam do vobis, pacẽ relinquo vobis. Et, Gaudebit cor vestrum, & gaudium vestrum nemo tollet à vobis. Nulla est enim plenior consolatio, quàm quãdo anima possidet illum, qui planè satiare potest eius desiderium. Ioan. 14. Ioan. 16.*

Tertiò, Exercitiũ veræ humilitatis & mæfuetudinis, iuxta doctrinam Christi: *Discite à me, quia mitis sum & humilis corde, & inuenietis requiem animabus vestris. Sicut enim vesica inflata vento, & in edito loco suspensã, in fumo aut vento non potest quiescere: & sicut aqua feruens perpetuo mouetur: ita homini superbo, & iracundo, nulla est vnquam quies animi, aut solidum gaudium. Matt. 23.*

Quartò, Rebus, quæ nobis cõmissæ nõ sunt, & quarum ratio à nobis nõ exigetur, nos non  
inge-

ingerere, aut curiosius eas inquirere: & si forte de iis vel loqui vel audire contingat, ita nos habere, atq. ad res alienas, ad nos non pertinentes, hoc vnicè cauentes, ne conclauē cordis ingressæ internam pacem perturbent. Sæpè nobis veniat in mentem illud, *Quid ad te?* quod Christus Petro de negotiis Ioannis curiosius agenti, respondit: *Si sic eū volo manere donec veniam, quid ad te? Tu me sequere*, id est, tu tua tracta, relictis alienis, quæ nihil ad te.

*Ioan. 21.*

Quintò, Nos totos, nostraq. omnia plenè in manus Dei resignare, eiq. committere, ab eoq. pendere. Nam sicut infantulus securus est & lætus in sinu matris, nihil dubitans, quin à matre regatur, iuuetur, & foueatur, quomodocunque tandem mater illum teneat, siue dextera, siue sinistra manu: Ita Christianus, qui Deo nititur, hoc vno gaudere deberet, quòd à Deo regatur. Et sicut tessera, in quodcunque latus proiccta, firmiter consistit: ita æquabili & constanti gisse deberet animo, quicquid occurrat, seu lætū, seu triste; hoc sæpè cum Daniēle repetens: *Dominus regit me. & nihil mihi deerit. Si consistant aduersum me castra, non timebit cor meum. Ego autem in Domino gaudebo, & exultabo in Deo Iesu meo.* B. Paulus in Epist. ad Colossens. videtur tria proponere ad internum gaudium, ac spiritus consolationem obtinendam: *Vt, inquit, consolentur corda ipsorum, instructi* (seu, vt Græcis est) *instructorum in charitate, & in omnes diuitias plenitudinis intellectus, & in agnitionem mysterij Dei & Patris.* &

*Psal. 22.*

*Abac. 3.  
Cap. 2.*

Chri-

Christi Iesu. hoc est, vt per hæc tria accipiant veram cordis consolationem: 1, Per veram charitatem, quia inter se connectantur. Sicut enim invidia tristitiam: ita charitas gaudium adfert: 2, Per certissimam fidem & persuasionem intellectus, quod homo à Deo regatur, & Deus omnia rectè ex summa dilectione moderetur: 3, Per frequentem considerationem & meditationem beneficiorum Dei, & mysterij Christi, ac vitæ æternæ, ad quam per Christum habemus ius, & accepimus arram.

# CHRISTIANARVM

## INSTITUTIONVM

### LIBER III.

#### PRAEFATIO.

**A** Omnia peccata declinanda, virtutesq. cōplectēdas, nihil tantā adfert vim & momētū, atq. rerum nouissimarū cōsideratio: quæ cum ad vniuersos homines pertineāt, & magnitudine sua atq. atrocitate metum vehementem incutiāt, mollire solent duritiam animorum nostrorum, & petulantiam refrænare, idoneosq; nos efficere ad audiendam, capeffendamq. veritatem. Quocirca secutus exemplum Christi, & Beati Ioānis Baptiste, qui ab hominibus nouissimis auspiciati sunt prædicationem suam; Matth. 4.  
Matth. 3.

⊙